



UNIVERSITÄTS-
BIBLIOTHEK
PADERBORN

Paraenesis De Eleemosyna

Alardus <Aemstelredamus>

[Köln], 1545

VD16 A 1250

Quærendos esse pauperes quibus misereamur, & non tantisper
operiendos, du[m] nobis abiecte supplices fiant.

[urn:nbn:de:hbz:466:1-63012](https://nbn-resolving.org/urn:nbn:de:hbz:466:1-63012)

DE ELEMOSYNA.

quod sibi necessarium est accipit, de Christi bonis accipit. Vbicunque & ipse cum talibus dedit, quis nisi Christus accepit?

Quarendos esse pauperes quibus misereamur, & non tantisper operiendos, dū nobis abiecte supplices fiant.

Augustinus in Psalmo 103. Beatus qui intelligit super egenum & pauperem. Quere cui des. Beatus enim qui intelligit super egenum & pauperem, qui praecipit uocem perituri. Si sic inter uos indigent milites Christi, ut etiam petant, uidete ne uos iudicet antequam petant. Quomodo inquis quæro? Esto curiosus, esto prouidus, prospice, attende unde quisque uiuat, unde se transigat, unde habeat: non reprehendetur ista curiositas tua, terra eris producens fœnum iumentis, & herbam seruituti hominum. Curiosus esto, & intellige super egenum & pauperem. Alius ad te uenit, ut petat, alium tu praue ni ne petat. Sicut enim de illo qui te quaerit dictum est, Omni petenti te da: sic de illo quem iuberis quaerere dictum est, Sudet elemosyna in manu tua, donec inuenias iustum cui eam tradas. Cum enim dandum sit, & istis pauperibus petentibus patet. Non enim ab eis inhibuit deus elemosynas, cum Christus de ipsis dicat: Quando facis epulum, conuoca cæcos, claudos, debiles, non habentes unde tibi reddant, retribuetur autem tibi in resurrectione iustorum. uoca & ipsos, pasce & ipsos, epulare cum illi epulantur, delectare cum illi saginantur: illi enim pane tuo, tu iustitia dei. Nemo uobis dicat, Præceptum est à Christo, ut seruo dei

DE ELEMOSYNA.

detur, mendico nō detur. Absit prorsus, impius ista loquitur, da illi, sed multo magis illi. Ille enim petit, & in uoce petentis agnosce cui des. Ille autē quanto minus petit, tanto magis tibi uigilandum est, ut praeoccupes petiturum, aut forte modo non petiturum, & aliquando donaturum uel damnaturum. Itaque curiosi estote ad ista fratres mei, & inuenietis multorum dei seruorum indigentiam, tantum ut uelitis inuenire. Sed quae delectat uos excusatio, quae uultis dicere: nesciebam, propterea non inuenitis, ipse dominus oculos habebat, quo mittebantur necessaria, & possidebantur nummi, propter usus eorum qui cum illo erant, & eius. non enim cum dicitur: Esuriuit Iesus, Euangelista mentitur. Voluit esurire propter te, ne tu esurias in illo, quia pauper factus est cum diues esset, ut illius paupertate nos ditaremur. Habuit enim oculos, & dictum est de quibusdam foeminis religiosis, quod ambulabant, quae ibant pedes eius euangelizantes, & ministrabant ei de substantia sua. Nominantur illae mulieres in euangelio, ubi erat quaedam etiam uxor cuiusdam Chuzae procuratoris Herodis. Augustinus in Psalmum 103. Cum ergo quisquis sanctum suscipit, non suscepto, sed susceptori praestatur. Nunquid in illa fame non pascebatur Helias? Nōne coruus afferebat panes & carnes seruo dei, serui ente creatura? Missus est tamen pasceendus ad uiduam, nō ut militi, sed ut prouinciali aliquid praestaretur. Ergo quia dicebamus fratres & de pascedis pauperibus, cum dominus oculos haberet, tamen quando dixit Iudae cum tradituro, Quod facis fac

DE ELEEMOSYNA.

uelociter, non intelligentes cæteri quid dixisset, arbitrati sunt eum dixisse, ut aliquid præpararet, quod daretur pauperibus. Ille enim loculos habebat, hoc in euangelio scriptum est. Possent de hoc suspicari, nisi hoc haberet in consuetudine dominus. De his ergo quæ dabantur, & in loculos mittebantur, dabatur tamen & illis pauperibus, quos deus docuit non contemnendos. Sed si illum non contemnis, quanto magis bonum per quem trituratur hæc area. Quanto magis seruum tuum? Non indiget cilicio, forte ueste indiget. Non indiget ueste, forte tecto indiget; forte ecclesiam fabricat, forte aliquid utile in domo dei molitur, expectat ut attendas, expectat ut intelligas super egentem & pauperem. Tu contra terra dura, lapidea, non irrigata, aut frustra irrigata, seruas tibi dicere: Non sciebam, non noueram, nemo mihi dixit. Nemo tibi dixit? Christus non cessat dicere, Prophete non cessant dicere. Beatus qui intelligit super egentem & pauperem.

*Vel ultro nos non aduentibus succurrendum
egenis.*

CHrysostronus sermone 21. in cap. 12 epistolæ ad Romanos Hospitalitatem sectantes. Non dicit facientes, sed sectantes, instruens nos, ut non expectemus egenos, donec ad nos ueniât, sed ad ipsos curramus & sectemur. Sic Loth fecit, sic Abraham, totum nanque diem in hoc consumebat, bonam expectans uenationem, & si quando quempiam uidebat, insiliebat, occurrebat, ad terram supplicando procedebat, dicens: